

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Mizoram chak lakluhna kawngpui ber a chhiat avangin Northeast Petroleum Mazdoor Union chuan naktip atangin Mizorama oil phurhluh chawlhsan rih an tum.
- 2. Mizoram inkalpawhna kawngpui bera harsatna thleng mek chungchang BJP Mizoram State President Dr. K. Beichhua, MLA chuan Union Minister for Road Transport and Highways Pu Nitin Gadkari hnenah a thlen.
- 3. NHM hnuaia thawk Health Worker-ten Mizoram Sorkar-in Health Worker nghet 100 a lak turah hun rei tak lo thawkte luh theihna tur siamsak an ngiat chu danin a remtih loh thu sorkar in thuchhuah siamin a sawi.
- 4. Vawiinah Operation Sindoor chungchang Rajya Sabha-ah sawiho chhunzawm a ni.

<><><>

NE OIL TANKERS STRIKE

Mizoram chak lakluhna kawngpui ber a chhiat avangin Northeast Petroleum Mazdoor Union chuan naktip atangin Mizorama oil phurhluh an chawlhsan rih dawn.

Northeast Petroleum Mazdoor Union General Secretary Ramen Das an IOC Chief General Manager hnena lehkha a thawn ah he thu hi a tarlang a, Mizoram Oil Tanker Driver Association te chuan July ni 19-a Mizoram kawng a chhiat nasat avanga nawrh an huaihawt hnua pawh Mizoram kawng chuan ziaawm lam a pan theih loh avangin Mizoram kawngin ziaawm lam a pan hma chu August ni 1 atangin tlan tawh loh ni se an ti tih a sawi a ni.

Kan corr report lo ngaithla ang.

VC : Mizoram Oil Tanker Driver's Association chuan phai lam atanga tuialhthei an lakna ten load an pek loh chuan oil phurh tur an nei theih tawh dawn bik lo tih an sawi a, Mizoram Oil Tanker Driver's Association President Pu Romel Lalruatdika chuan kawngchhiat hnua lirthei tlan tan theih, kar kalta Zirtawpni tlai atang khan Mizorama oil phur tura Oil pechhuaktu company ten challan an pekchhuah tam loh avangin Mizoram mipuite tuialhthei mamawh a puhru pha lo a ti a ni. Thudawn danin, Indian Oil Corporation Ltd (IOCL) phur lirthei challan 170 siam a ni tawh a, Bharat Petroleum Corporation Ltd (BPCL) leh Hindustan

Petroleum Corporation Limited (HPCL) motor 30 a awm tawh bawk a, vawiin bikah IOCL lirthei 17, BPCL leh HPCL motor 8 hnenah challan pek a ni tawh a ni.

Hetihlai hian Mizoram Merchant Association Gen Hqr chuan Mizoram chak lakna kawngpui a chhiat avang hian harsatna namenlo an tawk a, an mangang takzet tih thuchhuah siamin an sawi a, Sumdawngte bungrua hrang hrang thla 2/1 kawng lakah tangkhangte pawh a awm tawha, thenkhatte bungrua phei chu a chhia a, a then chu Guwahati Transporters Godown lamah pawh phurh let a ni bawk an ti a. Iron and Cement a thlen theih loh avangin, Insa lak lawhte an chawl a. Motor kal man cheng sing 4 sing 5 in in a to a, a mangan thlak tak zet a n an ti.

Hetihlai hian sumdawng ten GST pek a ngaia, Dawr luahman leh an mi chhawrte leh an chhungkaw ei leh in ngaihtuah a ngaih avangin kawng hi a chak thei ang bera siam turin Mizoram Sorkar leh NHIDCL te an ngen tih an sawi a ni.

ZPM Party thuchhuah tarlan danin, Aizawl –Silchar National Highway khawchhe lai thawm that hna thawh mek hi Dy Speaker Pu Lalfamkima, MLA Pu TBC Lalvenchhunga leh Lt. Col. Clement Lalhmingthanga ten vawiin khan a hmunah an tlawh a. Police duty te dah niin PWD Highway CE leh SE leh official dang te pawhin a hmun ah riah chilhin siamthat hna an thawk mek zel a ni.

Mizoram buangrua mamawh phur hrang hrang nitin za tel chhuah a nih thu an sawi a, vawiin khan Aizawl atangin lirthei 232 chhuah a ni a, tuialhthei leh eirawngbawlna gas phur lirthei telin lirthei 122 Aizawl lam pantir an ni bawk a ni.

<><><>

MIZORAM BJP

BJP Mizoram State President Dr. K. Beichhua, MLA chuan Union Minister for Road Transport and Highways Pu Nitin Gadkari hnenah Mizoramin inkalpawhna kawngpui pawimawh tak a harsatna thlang mek chungchang a thlen a,

Delhi-a cham mek, Dr. K. Beichhua hian Mizoram chakkhai lakna pawimawh tak kawngpui chhiat avanga harsatnate chu lo enzuisek a, a tul anga chak zawk a hmalak sak turin a ngen a, Tripura atanga, Mizoram khawthlang lam, Mamit District atanga Lunglei District leh Lawngtlai District paltlanga, Zochachhuah thlangin National Highway kal tir rawtna a siam chu tihhlawhtlinsak tura a ngenna ziakin a thehlut nghal bawk a, Pu Nitin Gadkari chuan a lo zirchian sak tur thu a lo hrih a ni.

<><><>

SESSION SUMMON

Mizoram Legislative Assembly pakua na thutkhawm vawi 5-na chu thla thar Aug ni 27 ah an thukhawm dawn.

Session kohna hi vawiin khan Larsap General (Rtd) Vijay Kumar Singh chuan tichhuakin n Assembly thutkhawm hi August ni 27 zing dar 10:30 ah tan a ni dawn a, Assembly neih hun chhung leh Session chhunga tih tur hrang hrang hi Business Advisory Committee in a la rel ang.

<><><>

TRAFFIC SP

Naktip August ni 1 atanga Aizawl khawpui chhunga lirthei tlan dan tih danglam a nih tan dawn avangin, a hmun lova lirthei dah hnawkte uluk taka vil tur Flying Squad din a ni.

Aizawl Traffic Sr. S.P Ruatsanga Ralte chuan vawiin khan a pisa-ah thuthar thehdarhtute kawmin he thu hi a sawi a, lirthei intlanchhawk dan tih danglam avangin lirthei veivak a pung dawn tih sawiin Aizawl Municipal Corporation leh Traffic Police tangkawpin Flying Squad an din a ni a ti.

Byte: Aizawl Traffic Sr. S.P Ruatsanga Ralte

Aizawl Traffic Sr.SP Ruatsanga sawi danin lirthei intlanchhawkna chu AMC area pumpui ni tawh lovin; Bawngkawn leh Kulikawn inkar main road: Chaltlang leh Ramhlun peng, Bangkawn atanga Kulikawn (Ngaizel, Tlangnuam leh Pika Road peng thleng) inkar via Chaltlang/ Ramhlun (Laldenga Road) - Chanmari - Lower & Upper Zarkawt - Dawrpui - Upper Khatla - Sikulpuikawn - Kulikawn, Sikulpuikawn leh Khatla inkar: Sikulpuikawn atanga MINECO peng (Marova Point)/ 23 sector A.R gate bul theng via Peter Street, Khatla, Khatla leh Vaivakawn inkar: Khatla Kawn atanga Vaivakawn Taxi Stand, Bazar Bungkawn peng thleng via Temple Square-ah te zing dar 9 leh a chanve atanga tlai dar 6 thleng a taka hman tan a ni tawh dawn a ti a, Lirthei intlanchhawk hian Inrinni, Pathianni leh Sorkar chawlh te a huam lo a, kawngpui dung tarlan loh zawngah chuan a tlan theih vek tawh dawn a, hetihlai hian lirthei No Entry period nei hrangte erawh a huam lo thung tih a sawi a ni.

Taxi (LMV leh Two-Wheelers) te chu Group 5- A, B, C, D leh E ah then an ni dawn a. Kar khat chhungin group tinin nikhat zel tlan loh ni an nei ang a. Taxi intlanchhawk hian Thawhtanni atanga Zirtawpni apiangin zing dar 09:30 atanga dar 6:00 inkar a huam dawn a. Taxi intlanchhawk hian Inrinni leh Pathianni te a huam lo thung a ni.

<><><>

NEW DGP

Mizoram Director General of Police (DGP) thar, Pu Sharad Agarwal chu vawiin khan Delhi atangin Aizawl a lo thleng.

Mizoram Police Headquarters atanga Regional News Unit thudawn danin, Mizoram DGP thar Pu Sharad Agarwal hi IPS, 1997 Batch, AGMUT Cadre a ni a, vawiin khan Lengpui Airport-ah DIG Northern Range leh SP Aizawl ten an lo hmuak a, Khatla-a Mizoram Police Headquarters-a a Bangla-ah Addl DGP leh IGP ten an lo hmuak thung a, vawiin atangin office a zawm nghal a ni.

Mizoram DGP thar, Pu Sharad Agarwal hi Delhi Police-a Economic Offences Wing-ah Special Commissioner ni thin a ni a, Mizoram DGP chhuak ta, Pu Anil Shukla a thlak dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

NHM HEALTH WORKER PROTEST

National Health Mission hnuaia thawk Health Worker-ten Mizoram Sorkar-in Health Worker nghet 100 a lak turah hun rei tak lo thawkte luh theihna tur siamsak an ngiat chu danin a remtih loh thu sorkar in thuchhuah siamin a sawi.

NHM thawktute hi an thil ngiat nawr nan vawiin chawhma khan Chief Minister pisa gate bulah an pungkhawm a, tun hnaia Mizoram sawrkar Health Worker regular post 100 a lak tura advertisement a chhuah chu hriatthiam har antih thu sawiin hun rei tak anlo nghah leh beisei, Minister te pawhin an sawi hmuh seniority list anga tahtawla dahngheh tura an ngaih laiin hetiang ruahmanna a awm mai chu hriatthiam har antih thu sawiin sawrkar chuan post 100 a lak turah mi 50 tal NHM hnuaia Contract Health Worker thawk lai te dah nghet ve ngei turin an phut tih an sawi bawk.

NHM thawktute chuan tuna Health Worker advertisement chhuak ah NHM hnuaia thawk lai ten an dil ve theih nan computer certificate neilo leh kum over tawh te hrethiam turin sawrkar an phut tih an sawi bawk.

Akashvani Aizawl zawhna chhangin Mizoram Contract Health Workers' Association President J.Lalramnghaki Hmar chuan vawiin khan Chief Minister Pu Lalduhoma chu a pisaah an kawm a, an thil phut chungchangah thu lawmawm an dawng lo tih sawiin, NHM hnuaia thawk an nih angin an hmalak zel dan tur chu Employee Union committee kutah an dah tih a sawi.

Health & Family Welfare Department chuan Health Worker post 100 direct recruitment an lak turah post 50 chu Mizoram Contract Health Workers Association ten an tana reserve tura an ngiat pek a remchan loh thu sawiin, Health Worker Recruitment Rules, 2011 in a sawi angin Health Worker post ruak chu zaa za direct recruitment-a hnawh khah tur a ni a, chuvangin, Health Worker lakna tur chu open advertisement kal tlangin direct recruitment chauhva kalpui tur a ni a ti.

<><><>

RAJYA SABHA

Vawiinah Operation Sindoor chungchang Rajya Sabha-ah sawiho chhunzawm a ni a. External Affairs Minister Dr.S.Jaishankar-a chuan Operation Sindoor neih chhunga sipaite hnathawh leh an theihna chu chhuanawm a tih thu a sawi a. An hnathawh rah chu ramina chhuang a ni a ti a. Pahalgam firfiaka inbeihnaah khan a phena firfiakte thil tum

chu Jammu and Kashmir eibar zawнна tihchhiat a ni a, tunah erawh chuan engkim a pangngaiin a kal leh thei tawh tih a sawi a ni.

<><><>

UNION RAILWAY MINISTER

Union Railway Minister Ashwini Vaishnaw chuan Vande Bharat rel ten ramchhunga state zawng zawng kum thum chhungin a tuam hman a ti. Vawiina Lok Sabha-a zawhna chhangin Pu Vaishnaw chuan tun dinhmunah ramchhungah Vande Bharat train 144 an tlan mek a ti a. Heng rel tlan mekte hi mipuiin an duh em avangin tunah hian mamawhna pung nasa hle a ni a ti.

(Byte)

Pu Vaishnaw chuan sawrkarin mi naran leh sum lakluh tlem zawkte hamthatna turin theihtawp a chhuah thu a sawi a. Kum reilote chhungin rela general class chuanna pindan chu tihpun a ni tih sawiin rel pindan zawng zawng zinga zaa 70 rel pindan sing 8 leh sang 2 chu general leh non AC coach anih thu a sawi.

<><><>